



Publicaziuns officialas dils 28-02-2020

Damondas da baghegiar

Nr. 17/2020

Datum da publicaziun: 28-02-2020
Patrun: Maissen Walter, 7173 Surrein
Representant: Biro d'inschignier Deplazes, 7173 Surrein
Liug e parcelas: Plazzas; 6592
Object: engrondir platta da grascha

Nr. 19/2020

Datum da publicaziun: 28-02-2020
Patrun: Vischnaunca Sumvitg, 7175 Sumvitg
Representant: Biro d'inschignier Deplazes, 7173 Surrein
Liug e parcelas: Laus; 6645
Object: 4 parcadis publics

Nr. 20/2020

Datum da publicaziun: 28-02-2020
Patrun: Gysi Peter e Düring Brigitte, 7172 Rabius
Representant: Tarcisi Maissen SA, 7166 Trun
Liug e parcelas: Chistrisch; 4964
Object: nova suoschna d'autos, preit da paravista, niev esch per stanza da deposit

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

28-02-2020

Cumissiun da baghegiar

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 28-02-2020

Departament stradal

Uniun da dunnas Sumvitg/Cumpadials

Nossa radunonza generala ha liug **sonda, ils 29 da fevrer 2020**, allas 20.00 en l'ustria «Cruna». Scadina commembra sco era commembras novas ein cordialmein beinvegnidas. Sin bien seveser *La suprastonza*

Cumissiu da cultura

Chiara Concert a Rabijs

La Cumissiu da cultura dalla vischnaunca da Sumvitg envida al concert dalla cantadura romontscha. Chiara, oriunda da Rabijs, e sia band fuorman pli probabel l'emprema «girlband» romontscha. A Rabijs presentan las giuvnas lur emprema album da debut «da mesanotg» ch'ei cumpariu la fin december 2019. Cun sia vusch ferma, mo era loma e stgira conta Chiara canzuns da pop cun caracter da sault che cuntegnan plinavon era elements da jazz. Il concert ha liug **ils 14 da mars 2020**, dallas 19.30 en la sala dall'ustria «Greina» a Rabijs. Ei fagess plascher da beneventar giuvens e restai giuvens.

La Cumissiu da cultura dalla vischnaunca Sumvitg organisescha ina concurrenza da films cuorts.

Has ti gust da producir in filmet cun in cuntegn che interessescha tei, persuls ni cun collegas, amitgs ed amitgas ni en famiglia?

Cheu las indicaziuns impurtontas leutier:

Treis categorias:

12–15 onns/16–24 onns/carschi 25 onns ensiviars

Limitaziun dil temps: tschun minutas

Cun ni senza lungatg plidau

Premis: Ils victurs da mintga categoria survegnan mintgamai 300 francs. Ei dat era in premi en fuorma da daners per ils 2. e 3. rangai.

Organisatura e giuria: Cumissiu da cultura vischnaunca da Sumvitg

Datum d'inoltrar: **31 d'uost 2020** sin stick a Myriam Pelican, Via Plazzas 70, 7173 Surrein

Nus selegrein sin vossa creativitat.

Corporaziun Alp Russein-Trun

Invitaziun alla radunonza generala dalla Corporaziun Alp Russein-Trun, gievgia ils 12 da mars 2020, allas 20.00 el «Café Tschut» a Trun

Tractandas:

1. Beinvegna ed appel
2. Elecziun d'in dumbravuschs
3. Prelecziun ed approvaziun dil protocol dalla davosa radunonza generala
4. Rapport dil president
5. Rendaquen per ils onns 2017–2019
6. Rapport dils revisurs ed approvaziun dil quen
7. Elecziuns: a) suprastonza
b) revisurs da quen
8. Orientaziun e damonda da credit per la sanaziun dil tetg-tegia a Russein Su
9. Fixar il tscheins dils dretgs per 2020–2022
10. Varia

Per la Corporaziun Alp Russein-Trun, *la suprastonza*

Uniu samaritana Sumvitg-Trun

Bugen envidein nus in e scadin ad in exercezi public a caschun dalla meisa culturala dalla vischnaunca da Trun. Quel ha liug **mardis, ils 10 da mars 2020**, allas 20.00 el local samaritan a Trun (tschaler da schurmetg en casa communal). Vus saveis profitar da buns tipps era per vies mintgadi e perquei selegrein nus sur da mintga visitadra e mintga visitader. A bien seveser e cordials salids *la suprastonza*

Apparat d'udida

Gliendisdis, ils 9 da mars 2020 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma Jäggi sorprendan
communablamein quei survetsch gratuit per tuts interessents. Ei drova negina annunzia.